

HI-PEK-LÂI JÎN SU (58)

1 Siōng-tè tī chāi-chá í-keng thok hiah ê sian-ti, ēng choē-choē toāⁿ, choē-choē hong-hoat, kā liat-chó· kóng; ²taⁿ tī hiah ê jīt ê lō·bé, thok I ê Kiáⁿ kā lán kóng; chiū-sī I só· siat-líp choè sêng-chiap bān mih ê hō·sū, iah bat tui I lâi chhòng-chō chiah ê sè-kài. ³I sī Siōng-tè ê ēng-iāu só· hoat-chhut ê kng, sī Siōng-tè pún-chit ê chin siōng, I ēng I koân-lêng ê oē teh hū-chài bān mih, í-keng chiáⁿ chheng-kiat choē ê sū, chiū chē tī kék koáiⁿ ê thiⁿ-téng, toā ui-giām ê ê toā pêng; ⁴chiáⁿ-choè pí chiah ê thiⁿ-sài khah toā, háp tī I só· sêng-chiap ê miâ, pí in khah chun-kui. ⁵In-ūi Siōng-tè kiám bat tui sím-mih thiⁿ-sài kóng: “Lí chiū-sī goá ê Kiáⁿ, Goá kin-á-jīt sī lí?” koh kóng, “Goá beh choè I ê Pē, I beh choè goá ê Kiáⁿ.” ⁶Kàu I koh chhoā toā Kiáⁿ jlp sè-kan ê sī, chiū kóng, Siōng-tè chiah ê thiⁿ-sài lóng tiōh pài I. ⁷Lūn-kàu thiⁿ-sài chiū kóng: “Hō· I ê thiⁿ-sài choè hong, I ê chhe-ēng choè hé-iām.” ⁸nā-sī lūn-kàu Kiáⁿ chiū kóng, “Siōng-tè ah, lí ê chō-ūi tãi-tãi tī-teh, Lí ê kok koân-pèng sī cheng-tit ê koân-pèng. ⁹Lí ài kong-gī, oàn-hūn put-hoat; Só·í Siōng-tè, lí ê Siōng-tè, ēng hoaⁿ-hí ê iū boah lí, Iāⁿ-kè lí chiah ê tâng-phoāⁿ.” ¹⁰Koh kóng, “Chú ah, khí-thâu ê sī, lí hē toē toē-ki, Chiah ê thiⁿ iah sī lí ê chhiú só· chō ê: In beh biat-bô; tók-tók lí kú-tng tī-teh: In lóng beh chhin-chhiūⁿ i-hók chiām-chiām kú; Lí beh chiong

in kúg-khí-lâi, chhin-chhiūⁿ goā-saⁿ, Chhin-chhiūⁿ i-hók, in chiū beh piàn-oāⁿ: Tók-tók lí goân-chāi sī án-ni, lí ê hē-siū bô kiông-chīn.”

¹³Siōng-tè bat tui tá-lòh chit ê thiⁿ-sài kóng, “Chē goá ê toā pêng, Thèng-hāu goá hē lí ê tui-ték choè lí ê kha-táh-í?” ¹⁴In kiám m̄ sī lóng choè chhe-ēng ê sīn, hōng-chhe lâi hók-sāi teh-beh tit kiū ê lāng mah?

2 Só·í lán tiōh it-hoat tì-ì só· thiaⁿ-kìⁿ ê, kiaⁿ-liáu lán oē tì-kàu liu-khì. ²In-ūi tui thiⁿ-sài só· thoân ê tō-lí, siōng-chhiáⁿ sī kian-kò·, iā kìⁿ-nā kan-hoān ūi-kék ê tãi-chì lóng tú-tiōh eng-kai siū ê pò-èng; ³lán nā hut-liók chiah-nih toā ê chín-kiū kiám oē tô-siám mah? Chit ê chín-kiū kì-jian sī Chú khí-thâu kóng ê, thiaⁿ-kìⁿ ê lāng kan-chèng kàu sít-sít hō· lán; ⁴koh Siōng-tè ēng chiah ê sīn-jiah, kī-sū, ták hāng ê koân-lêng kap Sèng Sīn ê siūⁿ-sù, lóng chiàu ka-kī ê chí-ì, kap in saⁿ-kap kan-chèng.

⁵In-ūi goán só· kóng teh lâi ê sè-kài Siōng-tè bē bat hō· i hāng-hók tī thiⁿ-sài. ⁶Tók-tók ū kan-chèng tī bó· só·-chāi ê, kóng, “Lāng sī sím-mih, hō· lí siāu-liām í? Lāng ê kiáⁿ sī sím-mih, hō· lí khoàⁿ-kò· í? ⁷Lí hō· i lióh-á khah-su thiⁿ-sài, Koh ēng ēng-kng chun-kui, hō· i choè bián-liū, Koh siat-líp i tī lí ê chhiú só· chō ê ê téng-bīn; ⁸Hō· bān mih lóng hāng-hók tī i ê kha-ē.” Í-keng hō· bān mih lóng hāng-hók i, chiū bô chhun chit hāng mih

bô hâng-hók i. Chóng-sī kàu taⁿ lán iáu-bē khoàⁿ-kìⁿ bân mih lóng hâng-hók i. ⁹Tók-tók khoàⁿ--kìⁿ hit ê lióh-á khah su thiⁿ-sài ê Iâ-so[·], ùi-tiòh siū sí ê kan-khó[·] tit-tiòh êng-kng chun-kùi choè bián-liū, thang tùi Siōng-tè ê un, ùi-tiòh cheng lêng siū sí. ¹⁰In-ùi bân mih só[·] ùi-tiòh I, bân mih só[·] tùi I ê, teh chhoā choē-choē kiáⁿ kàu tī êng-kng, chiū hō[·] kiū in ê siú-léng tùi khó[·]-lân lâi chiáⁿ oân-choân, pún sī háp-gī. ¹¹In-ùi hit ê hō[·] lêng chiáⁿ sêng ê, kap hiah ê tit-tiòh chiáⁿ sêng ê, lóng tùi chít-ê chhut; só[·]-í I chheng in choè hiaⁿ-tī bô liáh choè kiàn-siàu; ¹²kóng, “Goá beh pò-iông lí ê miá tī goá ê hiaⁿ-tī, O-ló lí tī hoē-tiong.” ¹³Koh kóng, “Goá beh óa-khò I.” Koh kóng, “Khoàⁿ ah! goá kap Siōng-tè só[·] hō[·] goá ê kiáⁿ-jī.” ¹⁴Tá chiah ê kiáⁿ-jī kì-jian saⁿ-tâng ū huìh bah ê thé, I pún-sin iáh pīⁿ-pīⁿ ū; beh ēng sí lăi hoē-bô ū sí ê koân-sè ê, chiū-sī Mô[·]-kúi; ¹⁵iáh beh hō[·] it-seng kiaⁿ-ùi sí kàu chhin-chhiūⁿ choè lô[·]-châi ê, lóng tit-tiòh tháu-pàng. ¹⁶In-ùi I bô khan-kiù thiⁿ-sài, sī khan-kiù A-pek-láh-hán ê hō[·]-è. ¹⁷Só[·]-í hoân sū I tiòh kap hiaⁿ-tī saⁿ-tâng, thang tī Siōng-tè ê sū choè lín-bín tiong-sìn ê chè-si-thâu, in-ùi peh-siⁿ ê choē hiàn bán-hoē ê chè. ¹⁸In-ùi I í-keng siū khó[·] lâi tú-tiòh chhi[·], chiū oē pang-chān chiah ê siū chhi[·] ê lêng.

3 Só[·]-í lín chiah ê sêng ê hiaⁿ-tī, tâng tit-tiòh thiⁿ tiâu ê, tiòh chhim siūⁿ lán só[·] sêng-jīn choè Sù-chiá, choè Chè-si-thâu ê Iâ-so[·]; ²I chhin-tiong tī siat-líp I ê, chhin-chhiūⁿ Mô[·]-se tī Siōng-tè ê choân ke chít iūⁿ. ³In-ùi I sêng sī oē kham-tit siū êng-kng iáⁿ-kè Mô[·]-se chhin-chhiūⁿ kiàn-líp ke ê, pí ke khah chun-kùi. ⁴In-ùi ke lóng ū lêng kiàn-líp i, tók-tók kiàn-líp bân mih ê chiū-sī Siōng-tè. ⁵Koh Mô[·]-se choè lô[·]-pók, kó-jian chhin-tiong tī Siōng-tè ê choân

ke, lâi kan-cheng chiong-lâi beh thoân ê sū; ⁶tók-tók Ki-tok choè Kiáⁿ, tī-lí I ê ke; lán nā chip-siú tùi òng-bāng só[·] ū ê hó-táⁿ kap khoa-kháu, kian-kò[·] kàu bé, chiū choè I ê ke. ⁷Só[·]-í, chhin-chhiūⁿ Sêng Sín kóng: “Kin-á-jit lín nā thiaⁿ-kìⁿ I ê siaⁿ, Chiū m̄ thang kong-ngī lín ê sim, chhin-chhiūⁿ tī kek goá siū-khì ê sí, Tī không-iá chhi[·]-tham goá ê jít. ⁹Tī hia lín ê liát-chó[·] giām lâi chhi[·] goá, Koh lèk-kè sì-cháp nī khoàⁿ-kìⁿ goá ê só[·] kiáⁿ. ¹⁰Só[·]-í goá bô hoaⁿ-hí hit tãi ê lêng, Kóng, In ê sim siông-siông sit-bê, M̄ bat goá chiah ê lō[·]; ¹¹Goá chiū tī siū-khì tiong chiū-choā, kóng, In toân-toân boē tit thang jlp goá ê an-hioh.” ¹²Hiaⁿ-tī ah, lín tiòh kín-sīn, kiaⁿ-liáu lín tiong-kan kiám-chhái ū lêng khng m̄ sìn ê pháiⁿ sim, lī-khui chin oáh ê Siōng-tè; ¹³só[·]-í lín tiòh thàn iáu ū thang kiò choè kin-á-jit ê, jít-jít saⁿ khoân-bián; kiaⁿ-liáu lín tiong-kan ū-ê hō[·] choē bê-khì, lâi ngī-sim: ¹⁴in-ùi lán nā chhi[·]-siú khí-thâu ê chhim sìn, kian-kò[·] kàu lô[·]-bé, chiū ū hūn tī Ki-tok: ¹⁵tng iáu teh kóng, “Kin-á-jit lín nā thiaⁿ-kìⁿ I ê siaⁿ, Chiū m̄ thang kong-ngī lín ê sim, chhin-chhiūⁿ tī kek goá siū-khì ê sí.” ¹⁶In-ùi thiaⁿ lâi kek siū-khì ê, sī chī-chui ah? kiám m̄ sī tē Mô[·]-se chhut Ai-kíp ê cheng lêng mah? ¹⁷Siōng-tè sì-cháp nī kú só[·] bô hoaⁿ-hí ê sī chī-chui ah? kiám m̄ sī hoân-choē, sin-si tó tī không-iá ê lêng mah? ¹⁸Siōng-tè chiū-choā m̄ chún jlp I ê an-hioh ê, nā m̄ sī m̄ sìn-thàn ê lêng, sī chī-chui ah? ¹⁹Tùi án-ni khoàⁿ, in boē oē jlp, chiū-sī in-ùi m̄ sìn.

4 Só[·]-í ū jlp I ê an-hioh ê èng-ún lâu-teh hō[·] lán, chiū tiòh kiaⁿ-hiáⁿ, kiaⁿ-kìⁿ lín tiong-kan kiám-chhái ū lêng chhin-chhiūⁿ tit bô tiòh. ²In-ùi hok-im ū thoân hō[·] lán, chhin-chhiūⁿ thoân hō[·] in, chóng-sī só[·] thiaⁿ ê oē

bô lī-ek in, in-ūi thiaⁿ ê lāng bô ēng sìn kap tō-lí saⁿ-háp. ³In-ūi lán í-keng sìn ê, sī jíp chit ê an-hioh; chiàu I só· kóng, “Goá chiū tī siū-khì tiong chiū-choā kóng, In toàn-toàn boē tit thang jíp goá ê an-hioh;” kī-sit chiaⁿ ê kang, tui chhòng-sè-kan í-lāi, í-keng chiāⁿ lah. ⁴In-ūi lūn-kàu tē chhit jīt, tī bó· só·-chāi ū án-ni kóng, Siōng-tè tī tē chhit jīt bēng-pèk I lóng-chóng ê kang lāi an-hioh; ⁵iáh tī chit só·-chāi koh kóng, “In toàn-toàn boē tit-thang jíp goá ê an-hioh.” ⁶Só·-í chit ê an-hioh iáu teh theng-hāu ū lāng jíp, nā-sī hiah ê tãi-seng tit-tiòh hok-im ê, in-ūi m̄ sìn-thàn, chiaⁿ bô jíp; ⁷lèk-kè choē-choē nī, tī Tāi-pit ê chheh-lāi, I koh tēng chit jīt, kóng, Kin-á-jīt, chhin-chhiūⁿ téng-bīn só· kóng, “Kin-á-jīt lín nā thiaⁿ-kìⁿ I ê siaⁿ, Chiū m̄ thang kong-ngī lín ê sim.” ⁸In-ūi Iok-su-a nā bat ēng an-hioh siūⁿ-sù peh-siⁿ, chiū āu-lāi tek-khak bô kóng-khí pát jīt. ⁹Tui án-ni khoàⁿ, iáu u-hioh ká Siōng-tè ê peh-siⁿ lâu-teh. ¹⁰In-ūi jíp i ê an-hioh ê sī bēng-pèk i lóng-chóng ê kang lāi an-hioh, chhin-chhiūⁿ Siōng-tè bēng-pèk I ê kang lāi an-hioh. Só·-í lán tiòh chīn-lát lāi jíp chit ê an-hioh, bián-tit ū lāng poah-tó tī siāng hit iūⁿ ê m̄ sìn. ¹²In-ūi Siōng-tè ê tō sī oáh ê, sī ū kong-hāu ê, pí it-chhè siang-bīn ê kiām khah lāi, hoān-nā hūn kap sìn, kut-chat kap kut-chhé, bô m̄ chhì-jíp phòah-khui, sim-lāi chiaⁿ ê liām-thâu kap chú-ì iáh bô m̄ kām-chhat. ¹³Koh só· chhòng-chō ê, tī I ê bīn-chēng bô chit hāng khàm-bát: chiū-sī bān mih hian-khui lō·-chhut tī sīm-phoàⁿ lán ê ê bák-chēng.

¹⁴Só·-í lán í-keng ū toā ê chè-si-thâu, Siōng-tè ê Kiáⁿ Iā-so·, keng-kè hiah ê thiⁿ, chiū tiòh chip-siú só· sēng-jīm ê. ¹⁵In-ūi lán só· ū ê chè-si-thâu m̄ sī boē-oē thé-thiap lán lóng-chóng

ê loán-jiók; chiū-sī hoān sū pīⁿ-pīⁿ ū siū chhì, nā-sī bô choē. ¹⁶Só·-í lán tiòh hó-táⁿ chiū-kūn un-tián ê chō-ūi, thang siū lín-bín, iā tit-tiòh un-tián, choē kíp-sī ê pang-chān.

5 In-ūi tui lāng ê tiong-kan só· keng ê chè-si-thâu lóng sī ūi-tiòh lāng, tī koan-hē Siōng-tè ê sū, lāi siat-lip, thang ūi-tiòh choē-koā hiàn lé-mih kap chè-sū. ²I kì-jiān hō· nóg-chiáⁿ só· ūi-khùn, chiaⁿ oē thé-liōng m̄ chai-iaⁿ kap sit-bē ê lāng; ³só·-í i eng-kai in-ūi pún-sin, chhin-chhiūⁿ in-ūi peh-siⁿ, ūi-tiòh choē lāi hiàn-chè. ⁴Koh chit ê chun-kui, m̄ sī lāng ka-kī chhú, chí ū hō· Siōng-tè tiàu ê, chhin-chhiūⁿ A-lún chit iūⁿ. ⁵Chhin-chhiūⁿ án-ni, Ki-tok iáh m̄ sī ka-kī chun choē chè-si-thâu, chiū-sī hit-ê tui I kóng, “Lí chiū-sī goá ê Kiáⁿ, Goá kin-á-jīt siⁿ lín ê.” ⁶Tī pát ūi iáh kóng, “Lí éng-oán choē chè-si, chiàu Bék-ki-sé-tek ê pan-liát.” ⁷Ki-tok tī I tiām jiók-thé ê jīt, ēng chhut-lát âu-kiò, koh lâu bák-sái, hiàn kī-tó khún-kiū hō· hit ê oē kiū I chhut sí ê, koh in-ūi I ê keng-khiān tit-tiòh thiaⁿ-kìⁿ, ⁸sui-jiān choē Kiáⁿ, iáh tui só· siū chiaⁿ ê khó·-lān lāi òh sūn-hók; ⁹í-keng chiāⁿ-choē oân-choân, chiū choē hoān-nā sūn-hók I ê lāng éng-oán chín-kiū ê kun-goân; ¹⁰hō· Siōng-tè chheng I choē chè-si-thâu, chiàu Bék-ki-sé-tek ê pan-liát.

¹¹Lūn-kàu chit-ê, goán ū choē-choē oē ài kóng, m̄ kú oh-tit koé-bēng, in-ūi lín hī-khang tūn ê iān-kò. ¹²In-ūi lūn-kàu sī ê kú, lín tiòh ka-kī choē sian-siⁿ, nā-sī iáu khiām-ēng lāng chiong Siōng-tè ê oē chiaⁿ ê siáu-hák ê khí-thâu kà lín; koh chiāⁿ-choē khiām-ēng lín, bô khiām-ēng ngó·-kok. ¹³Hoān-nā chiáh lín ê, bô láu-liān gī ê tō-lí; in-ūi i sī eⁿ-á. ¹⁴Tók-tók tióng-sēng ê lāng chiáh ngó·-kok, in ê sim-khiàu tui liān-síp lāi liān-tát, kàu oē hun-piat

hó pháiⁿ.

6 Sô·í Ki-tok tō-lí ê chho·hák, lán chhiáⁿ pàng-hē teh, lâi tì·ì chìn-pō· kàu oân-choân; bián koh hē toē-ki, chiū-sī hoán-hoé lâi thoat-lī chiah ê sí-sí ê só· kiáⁿ, kap sìn Siōng-tè, chiah ê soé ê lé-sò·, ²í-kíp hoāⁿ chhiú, sí lāng koh-oáh, kap éng-oán ê sím-phoàⁿ, chiah ê kàu-hùn. ³Siōng-tè nā chún, goán chiū beh án-ni kiáⁿ. ⁴In-ūi lāng í-keng bat tit-tiòh kng chiò, siū-tiòh thiⁿ-nhi ê un-sù, ū hūn tī Sèng Sîn, ⁵koh siū-tiòh Siōng-tè ê hó oē, kap teh lâi ê sè-kài chiah ê koân-lêng, ⁶āu-lâi poē-poān, chiū boē-oē hō· in koh oāⁿ-sin lâi hoán-hoé; in-ūi in ka-kī koh tēng Siōng-tè ê Kiáⁿ tī sîp-jī-kè, lâi hián-bêng lêng-jiók I. ⁷In-ūi thó·toē chiáh-tiòh táuh-táuh lóh ê hō·chúi, lâi siⁿ chhài-soe, háp choh-sit lāng ê lô·-êng, chiū tit-tiòh Siōng-tè sù hok; ⁸nā-sī siⁿ chháu-chhi̍ kap chit-lê, chiū siū khi-sak, kún tī siū chiù-chó·, i ê kiát-kiók chiū-sī sio-lió-khi̍.

⁹Só· thiàⁿ ê hiaⁿ-tī ah! goán sui-bóng án-ni kóng, nā-sī chhim sìn lín ták hāng khah-iāⁿ che, koh siók tī tit kiù; ¹⁰in-ūi Siōng-tè m̄ sī bô kong-tō, lâi boē kì-tit lín ê kang, kap lín ūi-tiòh I ê miá só· hián-bêng ê jîn-ài, in-ūi lín pêng-sò· hók-sāi chiah ê sèng-tô·, kàu taⁿ iah hók-sāi in. ¹¹Goá ài lín ták lāng iū-goân hián-chhut chit hō· ê un-khūn, hō· lín ê òng-bāng moá-chiok kàu lô·-bé: ¹²hō· lín bô tì-kàu pîn-toāⁿ, chiū-sī óh hiah ê tui sìn kap thun-lún lâi sêng-chiap chiah ê èng-ún ê lāng.

¹³Taⁿ Siōng-tè èng-ún A-pek-láh-hán ê sí, in-ūi bô khah toā ê thang kí lâi chiù-choā, chiū kí pún-sin lâi chiù-choā kóng, ¹⁴Goá sù hok beh sù-hok lí, ke-thiⁿ beh ke-thiⁿ lí ê hō·-è. ¹⁵Chhin-chhiūⁿ án-ni, A-pek-láh-hán gâu thun-lún, chiū tit-tiòh só· èng-ún ê. ¹⁶In-ūi lāng sī kí khah toā ê lâi chiù-choā; iah ēng

chiù-choā choē saⁿ-chiⁿ ê kiát-bé, lâi koat-tiāⁿ i. ¹⁷Án-ni, Siōng-tè ài beh kek-goā hián-bêng I ê chí-ì boē í-ék, hō· hiah ê sêng-chiap èng-ún ê lāng chai, chiah ēng chiù-choā lâi choē cheng-kìⁿ: ¹⁸beh tui nng hāng boē í-ék ê sū, Siōng-tè só· boē-oē pēh-chhát ê, hō· lán ū toā-toā ê an-ùi, chiū-sī lán í-keng tô-pī lâi khiⁿ só· hē tī thau-cheng ê òng-bāng; ¹⁹lán ūi chit ê òng-bāng, chhin-chhiūⁿ lêng-hūn ê tiāⁿ, pha tī tiūⁿ-lī lâi, kian-kò· bô í-soá; ²⁰Iā-so· choē sian-hong, í-keng ūi-tiòh lán jip khi hia, chiāⁿ-choē éng-oán ê Chè-si-tiūⁿ, chiàu Bék-ki-sé-tek ê pan-liát.

7 In-ūi chit ê Bék-ki-sé-tek, chiū-sī Sat-léng ông, iā sī chì-koāiⁿ Siōng-tè ê chē-si, chá tú-tiòh A-pek-láh-hán thāi-iāⁿ chiah ê ông tò-lâi ê sí, ká i chiok-hok ê, ²A-pek-láh-hán iah chiong it-chhè só· tit-tiòh ê, thiu chap hūn chit hō· i (i ê miá hoan-ék chiū-sī gī ê Ông, koh sī Sat-léng Ông, chiū-sī pêng-an Ông; ³i bô pē bô bú, bô sè-hē, bô sī-jit ê khí-thau, bô oáh-miā ê lô·-bé, sī chhin-chhiūⁿ Siōng-tè ê Kiáⁿ) kú-tng teh choē chē-si.

⁴Chhi-siūⁿ sian-chó· A-pek-láh-hán chiong só· tit-tiòh siōng-téng ê mih, thiu chap hūn chit hō· i, chiū hit lāng chun-kui kàu cháitⁿ-iūⁿ, ⁵Taⁿ Lī-bī ê kiáⁿ-sun tam-tng chē-si ê chit ê, sui-jian kap peh-siⁿ lóng sī A-pek-láh-hán ê hō·-è, pīⁿ-pīⁿ sī hiaⁿ-tī, iáu-kú hōng bēng-lēng, chiàu lút-hoat tui peh-siⁿ thēh chap hūn chit; ⁶chóng-sī hit ê bô siók Lī-bī ê sè-hē ê, bat tui A-pek-láh-hán thēh chap hūn chit, koh ká tit-tiòh chiah ê èng-ún ê chiok-hok. ⁷Tók-tók sī-soē hō· sī-toā chiok-hok, che sī bô thang piān-pok. ⁸Taⁿ tī chia thēh chap hūn chit ê, lóng sī oē sí ê lāng; nā-sī tī hia sī hit-ê ū siū kan-cheng kóng, i sī oáh ê. ⁹Koh iā oē kóng-tit, lian thēh chap hūn chit ê Lī-bī

iā bat chāi-tī A-pek-láh-hán lái lóp cháp hūn chít; ¹⁰in-ūi Bék-ki-sé-tek tú-tiòh A-pek-láh-hán ê sī, Lī-bī iáu-kú tī in chók ê sin-khu.

¹¹Chá peh-sìⁿ siū lút-hoat, sī tī Lī-bī chók chè-si ê chit-jīm ē; nā tui i oē tit-tiòh oân-choân, chiū mih-sái lēng-goā koh heng-khí chít ê chè-si, chiàu Bék-ki-sé-tek ê pan-liát, bô kóng chiàu A-lūn ê pan-liát ah? ¹²In-ūi chè-si ê chit í-keng koé-oāⁿ, chiū lút-hoat iáh tek-khak tiòh koé-oāⁿ. ¹³In-ūi chiah ê oē só· chí ê, sī siók tī pát ê chi-phài, in tiong-kan bē bat ū lāng kun-sui tī chè-toāⁿ. ¹⁴Sī lán ê Chú bēng-bēng tui Iū-tāi chhut; lūn chit ê chi-phài, Mô-se bē bat thê-khí chè-si ê chit. ¹⁵Koh nā chiàu Bék-ki-sé-tek ê khoán-sit, ū heng-khí pát ê chè-si; ¹⁶m̄ sī chiàu jiók-thé kài-bēng ê hoat lái siat-líp, sī chiàu boē hui-hoāi ê oáh-miā ê koân-lēng, chiū téng-bīn só· kóng ê lí chám-jīan khah bēng. ¹⁷In-ūi ū kan-chèng I kóng, “Lí éng-éng choè chè-si, Chiàu Bék-ki-sé-tek ê pan-liát.” ¹⁸In-ūi chēng ê kài-bēng hoè-bô, sī ūi-tiòh i ê loán-jiók kap bô lī-ek, ¹⁹in-ūi lút-hoat bô choè chit hāng kàu oân-choân) chiah siat-líp koh khah hó ê ñg-bāng, chiū-sī lán só· tui i lái chhin-kūn Siōng-tè ê. ²⁰Koh in-ūi I m̄ sī bô tui chiū-choā lái siat-líp; ²¹in hiah-ê líp choè chè-si bô tui chiū-choā; tók-tók chit-ê chiū tui chiū-choā, in-ūi siat-líp I ê ū kā I kóng, “Chú chiū-choā, bô thè-hoè, Lí éng-éng choè chè-si:)” ²²Chhin-chhiūⁿ án-ni, Iā-so· choè koh khah hó ê iok ê pó-jīm. ²³Hiah ê choè chè-si ê, in-ūi hō· sí chók-keh, boē-oē kú-tūg, só·í tiòh chin choē lāng; ²⁴tók-tók chit-ê, in-ūi éng-éng tē-teh, ū boē koé-oāⁿ ê chè-si chit. ²⁵Só·í hoān-nā tui I chiū-kūn Siōng-tè ê lāng, I oē kiù in kàu oân-choân, in-ūi I tūg-tūg oáh, lái thoè in kí-kiū.

²⁶In-ūi chit hō· ê chè-si-thâu háp lán ê

khiam-ēng; I sī sēng, bô pháiⁿ, bô lâ-sâm, lī-khui choē-jīn, chiāⁿ-choè khah koāiⁿ chiah ê thiⁿ; ²⁷I m̄ bián chhin-chhiūⁿ hiah ê chè-si-thâu, tiòh jīt-jīt tãi-seng ūi-tiòh ka-kī ê choē, āu-lái ūi-tiòh peh-sìⁿ ê choē, lái hiàn-chè; in-ūi I hiàn pún-sin, chiū choè chit-ē chiāⁿ chit ê sū. ²⁸In-ūi lút-hoat siat-líp nūg-chiáⁿ ê lāng choè chè-si-thâu; tók-tók lút-hoat āu chiū-choā ê oē siat-líp Kiáⁿ, éng-oán choè oân-choân ê chè-si-thâu.

8 Taⁿ goán só· kóng kī-tiong tē it iáu-kín ê, chiū-sī lán ū chhin-chhiūⁿ chit hō· ê chè-si-thâu, í-keng chē tī thiⁿ-téng toā ui-giām ê pó-chō ê toā pēng, ²I choè sēng-só· kap chin ê hoē-bō· ê chhe-ēng, chit ê hoē-bō· sī Chú só· siat ê, m̄ sī lāng só· siat ê. ³Hoān-nā chè-si-thâu lóng ūi-tiòh hiàn lé-mih kap chè-sū lái siat-líp: só·í chit ê chè-si-thâu iáh tek-khak tiòh ū só· hiàn. ⁴Siat-sú I tī toē-nh, chiū bô choè chè-si, in-ūi í-keng ū chiàu lút-hoat teh hiàn lé-mih ê; ⁵in só· ēng lái hók-sāi ê, chiū-sī thiⁿ-nīh ê mih ê siōng kap iáⁿ; chhin-chhiūⁿ Mô-se beh chō hoē-bō· ê sī, siū-tiòh bēng-lēng, kóng, Lí tiòh kín-sīn, chiàu tī soaⁿ-téng só· chí-sī lí ê khoán-sit, lái chō ták hāng mih. ⁶Taⁿ Iā-so· í-keng tit-tiòh khah chun-kui ê chit, sī I choè koh khah hó ê iok ê tiong-pó, chiū-sī ēng koh khah hó ê ēng-ún lái siat-líp ê. ⁷In-ūi thâu chit ê iok nā bô thang hiām, chiū bô siūⁿ beh líp tē jī ê iok. ⁸In-ūi ū hiām in, chiū kóng, “Chú kóng, Lí khoāⁿ, sī-jīt beh kàu, Goá beh kap Í-sek-liát ke, í-kíp Iū-tāi ke, sēng-líp sin ê iok; ⁹M̄ sī chiàu goá kap in liát-chók só· líp ê iok, Chiū-sī tī khan in ê chhiú, chhoā in chhut Ai-kíp toē ê sī, só· líp ê; In-ūi in bô siōng-siōng siú goá ê iok, Goá iā bô khoāⁿ-kò· in: che sī Chú só· kóng ê. ¹⁰Chú koh kóng, Chiah ê jīt liáu-āu, Goá kap Í-sek-

liát ke só· beh líp ê iok sī chit-ê, Chiū-sī goá beh chiong goá ê lút-hoat hē tī in ê thâu-náu, Khek tī in ê sim: Goá beh choè in ê Siōng-tè, In beh choè goá ê peh-siⁿ: ¹¹In ták lāng chiong-lāi bô kà-sī in pún siāⁿ ê peh-siⁿ, Kap in ták lāng ê hiaⁿ-tī, kóng, Lí tiòh bat Chú: In-ūi tui soè kàu toā, in lóng beh bat goá. ¹²In-ūi goá beh lín-bín in ê put-gī, Bô koh kì-liām in ê choē-ok.” ¹³Kì-jiān ū kóng sin-ê, chiū-sī hō· cheng ê iok choè kū. Hoān-nā kū lâi soe-thè ê chiū-sī chiong-kūn bô-khì.

9 Taⁿ hit ê cheng ê iok iah ū hók-sāi ê lé-gī, kap siók sè-kan ê sèng-tiān. ²In-ūi ū pī-pān hoē-bō·, thâu-cheng keng kiò-choè Sèng-só·; hit lâi-bīn ū teng-tāi, kap kí-toh, kap pāi-liát ê páiⁿ. ³Tē jī ê tiūⁿ-lī āu koh ū hoē-bō·, kiò choè Chì-sèng-só·; ⁴hia ū kim huiⁿ-toāⁿ, kap ka-n̄g ê pau-kim ê iok-kūi, lâi-bīn ū khng má-ná ê kim-ô·, A-lún puh-gê ê koáiⁿ-á, kap iok ê chiòh-pi n̄g tè; ⁵kūi-téng ū êng-kng ê ki-lō·-peng, jia-khām si-un-só·; chí kúi hāng taⁿ chhiáⁿ bián siōng-sè kóng. ⁶Chiah ê mih í-keng chiāu-pī, chè-si siōng-siōng jlp thâu-cheng keng ê hoē-bō·, chīm chiah ê hók-sāi ê sū; ⁷nā-sī tē jī keng, chí ū chè-si-thâu ták nī chit pái ka-kī jlp khì, bô chit pái bô toà huìh, ūi-tiòh pún-sin kap peh-siⁿ ê chhò-gō· lâi hiàn; ⁸Sèng Sīn án-ni chí-bēng, cheng ê hoē-bō· iáu tī-teh ê sī, jlp chiah ê sèng-só· ê lō· iáu-bē hián-bēng; ⁹che sī beh choè hiān-kim ê phì-jū; chiāu án-ni ū teh hiàn lé-mih chè-sū, chiū-sī boē-oē hō· hók-sāi ê lāng chiāu lōng-sim lâi tit-tiòh oân-choân ê; ¹⁰in-ūi hiah-ê (í-kíp lim-chiáh kap ták téng-hō ê soé) put-kò sī choè jiók-thé ê lé-gī, siat-líp lâi theng-hāu kái-cheng ê sī.

¹¹Taⁿ Kì-tok í-keng kàu, choè chiong-lāi chiah ê hó sū ê chè-si-thâu, keng-kè khah toā

khah chiāu-chng ê hoē-bō·, m̄ sī lāng ê chhiú só· khí-chō, chiū-sī bô siók tī chit sè-kan ê, ¹²I iah m̄ sī ēng iūⁿ kap gū-á ê huìh, chiū-sī ēng ka-kī ê huìh, jlp sèng-só· chit pái chiū kàu-giáh, tit-tiòh éng-oán ê siók-hoē. ¹³In-ūi gū iūⁿ ê huìh, kap gū-cheng-á ê hu, hiū tī bô chheng-khì ê lāng, siōng-chhiáⁿ oē hō· in chiāⁿ sèng kàu tī jiók-thé chheng-khì; ¹⁴hō-hòng Kì-tok tui éng-oán ê Sīn, hiàn ka-kī bô hā-chhū hō· Siōng-tè, I ê huìh kiám bô koh khah oē chheng-khì lín ê lōng-sim, thoat-lī chiah ê sī ê só· kiāⁿ, lâi hók-sāi chin-oáh ê Siōng-tè ah? ¹⁵In-ūi án-ni, I choè sin iok ê tiong-pó, ēng sí lâi siók cheng iok ê sī só· hoān ê choē-koà, sī beh hō· siū tiāu ê lāng tit-tiòh éng-oán ê giáp ê èng-ún. ¹⁶Hoān-nā ū ūi-bēng, tek-khak tiòh ū ūi-bēng ê lāng sí ê pīn-kū. ¹⁷In-ūi í-keng sí, chiū ūi-bēng kian-kò·; ūi-bēng ê lāng iáu oáh tī-teh, chiū ūi-bēng beh-thái ū lát? ¹⁸Só·-í cheng ê iok iah m̄ sī bô ēng huìh lâi siat-líp. ¹⁹In-ūi Mô-se í-keng chiāu lút-hoat chiong lóng-chóng ê kài-bēng thoân hō· cheng peh-siⁿ, chiū phang gū-á kap iūⁿ ê huìh, í-kíp chúi kap chu-âng sek ê mī kap gū-chhek-chháu, lâi hiū hit pún chheh kap cheng peh-siⁿ, kóng, ²⁰Chit-ê chiū-sī Siōng-tè só· hoan-hù lín ê iok ê huìh, ²¹Koh iah chiāu án-ni, ēng huìh hiū hoē-bō· kap só· ēng lâi hók-sāi ê khì-kū. ²²Koh chiāu lút-hoat, ták hāng mih chha-put-to lóng sī ēng huìh hō· i chheng-khì, nā bô lâu huìh, chiū bô siā-bián.

²³Chiāu thiⁿ-téng ê iūⁿ só· choè chiah ê mih, tek-khak tiòh ēng chiah-ê hō· i chheng-khì; chiū tī thiⁿ-téng ê goân mih, tiòh ēng pí che khah hó ê chè hō· i chheng-khì. ²⁴In-ūi Kì-tok m̄ sī jlp lāng ê chhiú só· chō ê sèng-só· choè chin sèng-só· ê iāⁿ-siōng ê; chiū-sī jlp tī

chin ê thiⁿ, taⁿ ũi-tiòh lán chiaⁿ-ê hián-hián tī Siōng-tè ê bīn-chêng; ²⁵I iáh bián ēng ka-kī táuh-táuh hián, chhin-chhiūⁿ hiah ê chè-si-thâu, ták nī ēng gū iūⁿ ê huìh, jlp chiaⁿ ê sèng-só; ²⁶nā án-ni, chiū Ki-tok tui chhòng-chō sè-kan í-lái, tiòh táuh-táuh siū khó: tòk-tòk taⁿ tī chiaⁿ ê sè-tāi ê lō-bé, I chit pái chhut-hián, hián pún-sin choè chè, lái tū-khì choē. ²⁷Koh chiàu só· chū-tiāⁿ ê, lāng ũ chit pái sí, í-āu ũ sīm-phoàⁿ; ²⁸án-ni, Ki-tok í-keng chit pái tú-tiòh hián, lái tam-tng choē-choē lāng ê choē-koà, beh tē jī pái, tui òng-bāng I ê lāng chhut-hián, lái kiū in; hit sī chhut-hián kap choē bô kan-siáp.

10 In-ūi lút-hoat kì-jian ũ chiong-lái hó sū ê iáⁿ, bô hiah ê mih ê chin hêng; éng-éng boē-oē ēng ták nī siōng-siōng teh hián saⁿ-tāng ê chè, hō· chhin-kūn ê lāng tit-tiòh oân-choân. ²Nā sī oē, chiū hián-chè ê sū kiám bô thêng-soah mah? in-ūi hók-sāi ê lāng chit-ē chheng-khì, chiū liōng-sim bô koh chai ũ choē. ³Nā-sī tui chiaⁿ ê chè-mih sī hō· lāng ták nī kì-tit choē. ⁴In-ūi gū iūⁿ ê huìh boē-oē tū-khì choē. ⁵só·-í I lái jlp sè-kan, chiū kóng, “Chè-sū lé-mih lí m̄ ài, Lí bat kā goá pī-pān sin-khu; ⁶Sio-chè kap siók-choē chè, lí bô hoaⁿ-hí; ⁷Hit sī goá kóng, Lí khoàⁿ, goá lái lah, Goá ê sū kì-chài tī chheh-nih, Siōng-tè, goá lái sī beh kiāⁿ lí ê chí-ì. ⁸Téng-bīn í-keng kóng, Chè-sū kap lé-mih, sio-chè kap siók-choē chè, lí m̄ ài, iáh bô hoaⁿ-hí, (chiaⁿ ê sī chiàu lút-hoat lái hián ê), ⁹āu-lái kóng, Lí khoàⁿ, goá lái sī beh kiāⁿ lí ê chí-ì. I sī tū-khì tãi-seng ê, beh siat-lip tè-āu ê. ¹⁰Tī chit ê chí-ì, tui Iā-so· Ki-tok chit pái hián seng-khu, lán tit-tiòh chiāⁿ sèng. ¹¹Koh kìⁿ-nā chè-si ták jít khiā-teh lái hók-sāi, táuh-táuh hián hiah ê saⁿ-tāng ê chè, chiū-sī éng-éng boē-oē

tū-khì choē ê; ¹²tók-tók Ki-tok, kì-jian hián chit ê chè kàu tī éng-oán, chiū chē tī Siōng-tè ê toā pêng; ¹³í-āu thêng-hāu I chiaⁿ ê tui-ték hē choē I ê kha-táh-í. ¹⁴In-ūi I ēng chit pái hián-chè, hō· chiaⁿ ê chiāⁿ-sèng ê lāng éng-oán choē oân-choân. ¹⁵Sèng Sīn kā lán choē kan-chèng: in-ūi I í-keng ũ kóng, ¹⁶Chú kóng, Chiaⁿ ê jít liáu-āu, Goá kap in só· beh līp ê iok sī chit-ê, Goá beh chiong goá ê lút-hoat hē tī in ê sim, Khek tī in ê thâu-náu;” ¹⁷āu-lái chiū kóng, “In ê choē-ok, in ê put-hoat, koat-toàn bô koh kì-liām.” ¹⁸Chiaⁿ-ê kì-jian siá-bián, chiū bô koh ũi-tiòh choē hián-chè.

¹⁹Só·-í hiaⁿ-tī ah, lán tī Iā-so· ê huìh kì-jian tit-tiòh hó-táⁿ jlp sèng-só, ²⁰tui I só· kā lán khui sin kap oáh ê lō·, àn tuiⁿ-lí keng-kè ê, chit ê tuiⁿ-lí chiū-sī I ê sin-thé; ²¹koh kì-jian ũ toā chè-si tī-lí Siōng-tè ê ke; ²²lán tiòh ēng chin-sit ê sim, chhiong-moá ê sìn, sim í-keng siū hiū bián hō· liōng-sim chek-pī, seng-khu iáh í-keng siū chheng-chúⁱ soé, lái chhin-kūn Siōng-tè. ²³Lán só· òng-bāng ê, í-keng ũ sèng-jīn, taⁿ tiòh kian-kò· chit ê sèng-jīn bô iō-tāng; in-ūi hit ê èng-ún lán ê sī sìn-sit; ²⁴koh tiòh tãi-ke saⁿ koàn-kò·, lái kek-khí jīn-ài kap kiāⁿ hó; ²⁵m̄ thang pàng-soah lín ê chū-hoē, chhin-chhiūⁿ ũ lāng koàiⁿ-sì án-ni, chiū-sī tiòh saⁿ khoàn-bián; kì-jian khoàⁿ-kìⁿ hit jít kūn, koh khah tiòh án-ni.

²⁶In-ūi lán í-keng tit-tiòh chin-chai chin-lí, āu-lái nā kam-sim teh hoân-choē, chiū bô koh ũ siók-choē ê chè, ²⁷tók-tók kiaⁿ-hiāⁿ lái thêng-hāu sīm-phoàⁿ, kap beh thun-biát tui-ték ê jiát hé. ²⁸Khi-choát Mô·se ê lút-hoat ê, ũ nng saⁿ lāng choē kan-chèng, chiū hō· í sí bô lín-bín: ²⁹hō-hòng thún-táh Siōng-tè ê Kiáⁿ, chiong hō· pún-sin chiāⁿ sèng ê iok ê huìh choē siók mih, koh bú-bān si un ê Sèng Sīn,

lín siūⁿ hit hō lāng eng-kai siū ê hêng-hoat tiòh ke joā tâng ah? ³⁰In-ūi lán chai chí-chūi ū kóng, Sin-oan chāi goá, goá beh pò-èng. ³¹Koh kóng, Chú beh sím-phoàⁿ I ê peh-siⁿ. Hām-lòh tī chin-oah Siōng-tè ê chhiú, chin thang kiaⁿ ah!

³²Lín tiòh kì-tit chêng tit-tiòh kng chiò liáu-āu, jím-siū hoān-lān ê toā kau-chiàn hiah ê jít; ³³hék-sī siū loé-mē kan-khó, hō lāng pìⁿ-lāng choè hì-chhut; á-sī lāng siū chit hō ê kan-khó, lín iah kap i ū hūn. ³⁴In-ūi lāng tī só-liān ê tiong-kan, lín bat thé-thiap i; lāng chhiúⁿ lín ê giáp, lín hoaⁿ-hí jím-siū, chai ka-kī ū koh khah hó kú-tng tī-teh ê giáp. ³⁵Só-í bôh-tit khi-sak lín hó-tátⁿ ê sim, in-ūi che ū toā pò-siúⁿ. ³⁶Lín iàu-kín tiòh thun-lún, hō lín, í-keng kiāⁿ Siōng-tè ê chí-ì, āu-lái thang siū só' èng-ún ê.

³⁷In-ūi koh tiap-á-kú nā-tiāⁿ, Hit ê teh-lái ê beh kàu, I bô beh iân-chhiân. ³⁸Nā-sī goá ê gī lāng beh tui sìn lái oah: Siat-sú i kiu-koéh, goá ê sim bô hoaⁿ-hí i. “ ³⁹Chóng-sī lán m̄ sī kiu-koéh, tì-kàu tīm-lún ê; sī ū sìn, tì-kàu lêng-hūn tit kiù ê.

11 Sìn chiū-sī só' òng-bāng ê ê sít-chāi, kap bē khoàⁿ-kìⁿ ê sū ê pîn-chún. ²In-ūi tī chit-ê, chiū kó-chá lāng ū tit-tiòh kan-chèng. ³Tui sìn, lán chai chiaⁿ ê sè-kài sī tui Siōng-tè ê oē lái chō-chiāⁿ; án-ni só' khoàⁿ-kìⁿ ê m̄ sī tui oē khoàⁿ-kìⁿ ê lái chiāⁿ. ⁴Tui sìn, A-pek hiàn-chè hō Siōng-tè, pí Kai-ún khah hó; tui án-ni tit-tiòh kan-chèng i sī gī, chiū-sī Siōng-tè khoàⁿ i ê lé-mih lái choè kan-chèng; koh tui chit ê sìn, i sí-liáu iáu teh kóng oē. ⁵Tui sìn, Í-lòk siū chhian-soá, tì-kàu bô kìⁿ-tiòh sí; lāng chhē i boē tiòh, in-ūi Siōng-tè chhian-soá i; sī bē chhian-soá ê tãi-seng, ū tit-tiòh kan-chèng i hō Siōng-tè hoaⁿ-hí. ⁶Siat-sú bô sìn,

chiū boē-oē hō Siōng-tè hoaⁿ-hí; in-ūi chhin-kūn Siōng-tè ê, tek-khak tiòh sìn I ū, iā sī pò-siúⁿ hiah ê kiù I ê lāng. ⁷Tui sìn, Ná-a tī bē khoàⁿ-kìⁿ ê sū, í-keng tit-tiòh bék-sī, chiū kèng-ùi, lái pī-pān toā chūn, kiù i ê ke-koàn; tui án-ni lái tēng sè-kan ê choē, koh tit-tiòh sēng-chiap chiàu sìn ê gī. ⁸Tui sìn, A-pek-láh-hán siū tiàu ê sí, chiū sūn bēng-lēng chhut-khì, kàu chiong-lái beh tit-tiòh choè giáp ê toē; i chhut-khì, m̄ chai beh khi tá-lòh. ⁹Tui sìn chiū chhut-goā tī só' èng-ún ê toē, chhin-chhiūⁿ tī m̄ sī ka-kī ê toē, khiā-khí tī pò-pīⁿ, kap Í-sat, Ngá-kok, chiū-sī saⁿ-kap sēng-chiap tâng chit iūⁿ ê èng-ún ê; ¹⁰in-ūi i òng-bāng ū toē-ki ê siāⁿ, sī Siōng-tè só' keng-èng khi-chō ê. ¹¹Tui sìn, Sat-láh, sui-bóng kè seng-sán ê nī-hè, iáu tit-tiòh oē hoai-in, in-ūi i liáh èng-ún i ê choè sìn-sít; ¹²só-í tui chit lāng, koh sī chhin-chhiūⁿ í-keng sí ê, siⁿ-thoàⁿ chhin-chhiūⁿ thiⁿ chhiⁿ ê choē, chhin-chhiūⁿ hái-soa ê boē sng-tit.

¹³Chiah-ê lóng sī chiàu sìn lái sí, bē bat tit-tiòh só' èng-ún ê, tók-tók hng-hng khoàⁿ, hoaⁿ-hí lái tán-chih, koh ka-kī jīn tī toē-chiūⁿ choè lāng-kheh, choè chhut-goā ê. ¹⁴In-ūi án-ni kóng ê, sī piáu-bēng in teh chhē chit ê chók-ke. ¹⁵In nā siàu-liām só' tui hia chhut-lái ê toē, chiū ū thang tò-khì ê ki-hoē. ¹⁶Chóng-sī taⁿ in him-bō koh khah hó ê, chiū-sī tī thiⁿ-nh ê, só-í Siōng-tè chheng-choè in ê Siōng-tè, bô liáh-choè kiàn-siàu; in-ūi í-keng thoè in pī-pān chit ê siāⁿ.

¹⁷Tui sìn, A-pek-láh-hán siū chhiⁿ ê sí, hiàn Í-sat; chiū-sī hit ê sēng-siū chiaⁿ ê èng-ún ê hiàn i tók-siⁿ ê kiáⁿ; ¹⁸bat ū kā i kóng, Tui Í-sat siⁿ ê beh chheng-choè lí ê hō-è: ¹⁹in-ūi i liáh-choè Siōng-tè tui sí-lāng tiong oē hō i koh-oah; só-í thang phì-jū kóng tit-tiòh i tui

sí tò-tng-lâi. ²⁰Tùi sìn, Í-sat lūn chiong-lâi ê sū chiok-hok Ngá-kok, Í-sò. ²¹Tùi sìn, Ngá-kok, līm-chiong ê sī, kā Iok-sek nng ê kiáⁿ chiok-hok; oà koáiⁿ-á lâi keng-pài. ²²Tùi-sìn, Iok-sek līm-chiong ê sī, liām-tiòh Í-sek-liát ê hō-è beh chhut Ai-kip; koh ūi-tiòh i ê kut-hâi lâi hoan-hù. ²³Tùi sìn, chiū Mô-se chhut-sì ê sī, i ê pē-bú, in-ūi khoàⁿ-kìⁿ kiáⁿ chheng-siū, khng-bát i saⁿ gēh jít; iah m̄ kiaⁿ ông ê bēng-lēng. ²⁴Tùi sìn, Mô-se í-keng tióng-sēng, m̄ sēng-jīn choē Hoat-ló cha-bóⁿ-kiáⁿ ê kiáⁿ; ²⁵kah ài kap Siōng-tè ê peh-sìⁿ saⁿ-kap siū khóⁿ-lān, m̄ ài chiām-sī hióng-siū choē-ok ê khoài-lók; ²⁶liáh-choē ū hūn Ki-tok ê lēng-jiók, pí Ai-kip ê chài-pó kah kù-khi: sī ñg-bāng pò-siúⁿ ê iān-kò. ²⁷Tùi sìn, i lī-khui Ai-kip, bô kiaⁿ ông ê siū-khi; kian-sim jīm-nāi, chhin-chhiūⁿ khoàⁿ-kìⁿ sóⁿ boē khoàⁿ-kìⁿ ê Chú. ²⁸Tùi sìn, lâi siat poāⁿ-kè-choeh, kap boah huìh ê lé, bián-tit châu-biát toā kiáⁿ ê kháp-tiòh in. ²⁹Tùi sìn, in kè Āng-hái, chhin-chhiūⁿ kiáⁿ ta toē: Ai-kip lāng chhi kiāⁿ i, chiū tīm-lóh-khi. ³⁰Tùi sìn, sēh Iā-lī-ko siáⁿ lēk-kè chhit jít, siáⁿ chiū tó-hoāi. ³¹Tùi sìn, chhiong-ki Lat-háp ēng hô-pēng chiap-láp soē-choh, sóⁿ-í bô kap m̄ sūn-thàn ê lāng saⁿ-kap biát-bô. ³²Goá beh koh kóng sīm-mih ah? beh kóng Ki-tiān, Pa-lék, Chham-sun, Iā-hut-tha; kap Tāi-pit, Sat-bóⁿ-jīⁿ, í-kip chiaⁿ ê sian-ti, chiū sī bô kàu-giáh. ³³Hiah ê lāng, tui sìn, thāi-iāⁿ chiaⁿ ê kok, kiāⁿ kong-gī, tit-tiòh òng-ún, nih sai ê chhui, phah-hoa hé-iām, siám-pī lai to, jiók chiāⁿ-choē kiōng, kau-chiān ióng-béng, kong-phoà goā-pang ê chiān-tīm. ³⁵Ū hū-jīm-lāng tit-tiòh in ê chhin-lāng tui sí koh-oah; iah ū lāng siū khok-tók ê hēng-hoat, m̄ goān siū siók; sī ài tit-tiòh kah hó ê koh-oah: ³⁶koh ū lāng siū hì-lāng, piⁿ-

phah, í-kip só-liān, koaiⁿ-kaⁿ, chiaⁿ ê chhi: ³⁷koh ū lāng siū chiòh-thāu tīm, kù-á kù, siū iú-hek ê chhi, hō to thāi-sí: chhēng mī-iūⁿ soaⁿ-iūⁿ ê phê, phun-pho tak sóⁿ-chāi, tú-tiòh sòng-hiong, hoān-lān, pō-giók; ³⁸ū-ê tī khòng-iá, tī soaⁿ-niá, tī chiòh-tōng, tī toē-hiát, sì-koē phiau-liū; chiaⁿ ê lāng sī sē-kan boē kham-tit ū ê. ³⁹In lóng í-keng tui sìn tit-tiòh kan-chēng, nā-sī bē bat tit-tiòh sóⁿ òng-ún ê; ⁴⁰in-ūi Siōng-tè kā lán tāi-seng pī-pān koh kah hó ê sū, sī beh hō in, nā bô lán, chiū boē tit-tiòh oān-choān.

12 Í-keng ū choē kan-chēng ê kàu hiah choē, chhin-chhiūⁿ hūn ūi lán, chiū tiòh pàng-hē tak hō ê tēng tàⁿ, kap khoài-khoài tīⁿ-poāⁿ lán ê choē, ēng thun-lún lai chāu sóⁿ an-pāi tī lán thāu-chēng ê lōⁿ-chām, ²tiòh chū-sin khoàⁿ Iā-soⁿ; chiū-sī choē sìn ê goān-thāu kap chhiāⁿ-bé ê. I ūi-tiòh sóⁿ an-pāi tī I thāu-chēng ê khoài-lók, chiū bô iau-kín lēng-jiók, jīm-siū sip-jī-kè, taⁿ chē tī Siōng-tè pó-chō ê toā pēng. ³I thun-lún pháiⁿ lāng chhin-chhiūⁿ án-ni hēng-gék I, lín tiòh siūⁿ I, bián-tit lín ê sim sit-chì lai iā-siān. ⁴Lín kap choē-ok saⁿ tui-ték, iáu-bē bat tí-tng kàu lâu huìh; ⁵koh lín boē kì-tit hit-ê ēng lí-khi khng lín chhin-chhiūⁿ khng kiáⁿ ê oē, kóng, “Goá ê kiáⁿ ah, Chú ê keng-kài bōh-tit khoàⁿ-khin, Hō I chek-pī, bōh-tit sit-chì; ⁶In-ūi Chú sóⁿ thiāⁿ ê, chiū keng-kài i; Koh hoān sóⁿ chiap-láp ê kiáⁿ, chiū ēng piⁿ phah i.” ⁷Lín teh thun-lún, sī choē keng-kài ê lōⁿ-ēng; Siōng-tè khoán-thāi lín chhin-chhiūⁿ kiáⁿ; thāi-thó ū kiáⁿ bô hō lāu-pē keng-kài ah? ⁸Chēng kiáⁿ sóⁿ ū hūn ê keng-kài lín nā bô siū-tiòh; chiū-sī thau-siⁿ-ê, m̄ sī kiáⁿ. ⁹Koh lán bat ū jiók-thé ê pē keng-kài lán, lán siōng-chhiāⁿ kēng-ùi i; hô-hòng lán ê sīm ê Pē, kiám m̄ koh kah

tiòh hâng-hók I, lâi tit-tiòh oáh mah? ¹⁰In-
 ùi hiah-ê sī chiām-sī chhut-chāi ka-kī ê ì-sù
 lâi keng-kài lán; tók-tók chit-ê sī ùi-tiòh lán
 ê lī-ek, hō· lán ù hūn tī I ê sèng-kiat. ¹¹Kìⁿ-
 nā keng-kài ê sū, tī tng-sī chiàu-khoàⁿ m̄ sī
 hoaⁿ-hí, sī iu-būn; nā-sī āu-lâi, chiū tī hiah-ê
 tui keng-kài lâi liân-tát ê lāng, kiat pêng-an
 ê ké-chí, chiū-sī gī ê ké-chí. ¹²Só·-í kha sng
 chhiú nng ê, lín tiòh hō· i íong-kiāⁿ; ¹³ù-tiòh
 lín ê kha pī-pān tit-tit ê lō·, bián-tit pái-kha ê
 lāng oai-chhoah, hoán-tng hō· i tit-tiòh i-hó.
¹⁴Tiòh tì-ì kap cheng lāng hô-bók, í-kip chiāⁿ-
 sèng, in-ùì nā m̄ sī sèng bô lāng oē kìⁿ-tiòh
 Chú; ¹⁵iáh tiòh kín-sīm, kiaⁿ-liáu ù lāng sit-
 lóh Siōng-tè ê un; kiaⁿ-liáu ù khó· ê kun hoat-
 siⁿ lâi kiáu-jiáu lín, tì-kàu choē-choē lāng bak
 lâ-sâm; ¹⁶kiaⁿ-liáu ù im-loān ê, á-sī tím-lék
 sè-cheng ê, chhin-chhiūⁿ Í-sò; i in-ùì chit tng
 chiah boē toā kiáⁿ ê giáp. ¹⁷In-ùì lín chai, i
 āu-lâi ài sèng-chiap chiok-hok ê sī, ù tú-tiòh
 khì-sak, in-ùì i chhē bô hoán-hoé ê toē-pō·,
 sui-jiân lâu bák-sài pek-chhiat kiū, iáh boē
 tit-tiòh.

¹⁸Taⁿ lín só· kàu ê m̄ sī oē bong-tit ù hé-iām
 ê soaⁿ, kap bát hūn, o·-ām, toā hong, hō-thâu
 ê im, giân-gú ê siaⁿ; thiaⁿ-kìⁿ ê lāng kiū bôh-
 tit koh kap in kóng; ²⁰in-ùì só· bēng-lēng ê,
 in tng boē tiâu, sī kóng, Chiū nā cháu-siū
 oá-tiòh soaⁿ, iā tiòh ēng chiòh-thâu tìm sí;
²¹koh só· khoàⁿ-kìⁿ kék-kí thang kiaⁿ, tì-kàu
 Mô·se kóng, Goá put-chí kiaⁿ kàu ngiāuh-
 ngiāuh-chhoah; ²²tók-tók lín só· kàu ê chiū-sī
 Sūn-soaⁿ, chin-oáh Siōng-tè ê siāⁿ, thiⁿ-teng
 ê lâ-lō·-sat-leng, bān-bān ê thiⁿ-sài, ²³hiah ê
 ù miā kì tī thiⁿ-nih ê toā kiáⁿ ê chū-hoē kap
 kong-hoē, sím-phoàⁿ cheng lāng ê Siōng-tè,
 tit-tiòh chiáu-chng ê gī lāng ê lēng-hūn, ²⁴sin-
 iok ê tiong-pó Iā-so·, kap só· hiū ê huìh, chit

ê huìh só· kóng ê pí A-pek khah hó. ²⁵Kín-
 sīm bôh-tit kù-choát tui lín kóng ê. In-ùì tī
 toē-nih lâi thoān bēng-lēng ê, nā kù-choát i,
 siōng-chhiáⁿ boē-oē tô-siām, hô-hong lán ùi-
 poē tui thiⁿ thoān bēng-lēng ê ah? ²⁶Tong-sī
 I ê siaⁿ hō· toē tín-tāng; nā-sī taⁿ ù èng-ún
 kóng, Iáu ù chit pái goá m̄ nā hō· toē iô-choah,
 iáh beh hō· thiⁿ iô-choah. ²⁷Só· kóng, Iáu ù
 chit pái, sī chí-bēng siū tín-tāng ê mih, chiū-
 sī siū-chō ê mih, beh tú-tiòh chhian-soá, hō·
 hiah ê bô siū tín-tāng ê tng-tng tī-teh. ²⁸Só·-
 í lán tit-tiòh boē-oē tín-tāng ê kok, tiòh ù
 un-hūi, thang ēng khiân-seng keng-ùì lâi hók-
 sai hō· Siōng-tè hoaⁿ-hí; ²⁹in-ùì lán ê Siōng-tè
 chiū-sī iām-iām ê hé.

13 Hiaⁿ-tī ê saⁿ-thiāⁿ tiòh kú-tng. ²Bôh-
 tit boē kì-tit chiap-thāi lāng-kheh; in-ùì tui
 án-ni, bat ù chiap-thāi-tiòh thiⁿ-sài, iáh m̄
 chai ê. ³Tiòh siāu-liām chiaⁿ ê siū koaiⁿ ê,
 chhin-chhiūⁿ kap in saⁿ-tāng koaiⁿ; siāu-liām
 siū pō-giok ê, sī lín iáh ù seng-khu. ⁴Hun-in
 lāng-lāng tiòh chun-tiōng, chhng bô lâ-sâm;
 in-ùì su-thong kiāⁿ-im ê lāng, Siōng-tè beh
 sím-phoàⁿ i. ⁵Sim-chì m̄ thang tham chāi;
 liáh só· ù ê choē kàu-giáh; in-ùì Siōng-tè ù
 kóng, Goá koat-toàn bô pàng-sak lí, koat-
 toàn bô lī-khui lí. ⁶Só·-í lán thang hó-táⁿ
 kóng, “Chú chiū-sī pang-chān goá ê, goá bô
 beh kiaⁿ-hiāⁿ, Lāng beh siáⁿ hoat-tit goá ta-
 oā?”

⁷Cheng ín-chhoā lín, ēng Siōng-tè ê tō-lí
 thoān hō· lín ê lāng, lín tiòh siāu-liām in;
 khoàⁿ in kiāⁿ-choē ê kiat-kiók, lâi oh in ê sìn.
⁸Iā-so· Ki-tok chā-jit kin-á-jit tng chit iūⁿ,
 tit kàu tãi-tãi. ⁹Lín bôh-tit hō· chhap-cháp
 koh-iūⁿ ê kàu só· chhian-soá; in-ùì sim tui
 un-tián lâi kian-kò· chiaⁿ sī hó; m̄ sī tui hiah
 ê chiah-mih; in-ùì ēng kang tī hiah ê mih ê,

bô lī-ek. ¹⁰Lán ū chè-toāⁿ, hók-sāi tī hoē-bō̄ ê bô koân thang chiáh i. ¹¹In-ūi cheng-siⁿ ê huìh hō̄ chè-si-thâu toà jlp sèng-só̄ lâi sióh choē, hiah ê cheng-siⁿ ê sin-thé chiū sio tī iāⁿ-goā. ¹²Só̄-í Iā-sō in-ūi beh ēng ka-kī ê huìh hō̄ peh-siⁿ chiāⁿ-sèng, iáh siū khó̄ tī siāⁿ m̄ng goā. ¹³Án-ni lán iáh tióh chhut iāⁿ goā lâi chiū-kūn I, siū I só̄ siū ê lēng-jiók. ¹⁴In-ūi tī chia lán bô kú-tng tī-teh ê siāⁿ, sī chhē hit ê chiong-lâi ê. ¹⁵Só̄-í tióh tui Iā-sō siōng-siōng ēng o-ló choè chè, hiàn hō̄ Siōng-tè; che chiū-sī sēng-jīn Chú miâ ê chhui-tūn só̄ kiát ê ké-chí. ¹⁶Tók-tók kiāⁿ hó, kap saⁿ kiong-kip, lín m̄ thang boē kì-tit, in-ūi chit hō̄ ê chè sī Siōng-tè só̄ hoaⁿ-hí ê. ¹⁷Ín-chhoā lín ê, lín tióh thiaⁿ-thàn sūn-hók in; in-ūi in ūi-tiòh lín ê lēng-hūn keng-séng, sī chiong-lâi tióh ka-kī pài-liát ê; lín tióh hō̄ in ēng hoaⁿ-hí lâi choè, bô ēng thó̄-khui; in-ūi chit-ê bô lī-ek lín.

¹⁸Lín tióh thoè goán kī-tó; goán sìn ka-kī ū chiàu liōng-sim, hoān sū ài chiàu cheng-tit lâi kiāⁿ. ¹⁹Goá it-hoat khng lín kiāⁿ án-ni, hō̄ goá thang khah kín koh chiū-kūn lín.

²⁰Tā goān pēng-an ê Siōng-tè, chiū-sī bat tī éng-oán ê iok ê huìh tui sí-lāng tiong chhoā iūⁿ-kūn ê toā bók-chiá, lán ê Chú Iā-sō, koh khí-lâi, hō̄ lín tī ták hāng hó sū oân-choân, lâi kiāⁿ I ê chí-ì, koh tui Iā-sō Kì-tok, tī lán ê sim-lâi, kiāⁿ tãi-chì, tit-tiòh hoaⁿ-hí tī I ê bīn-chēng; goān ēng-kng kui tī I, tãi-tãi bô soah. À-bēng.

²²Hiaⁿ-tī ah, goá siá té-té ê phoe hō̄ lín; khng lín chiap-láp goá khoàn-bián ê oē. ²³Lín tióh chai lán ê hoaⁿ-tī Thê-mô̄-thài í-keng tit-tiòh tháu-pàng; i nā kín-kín lâi, goá beh kap i khi kìⁿ lín.

²⁴Chhiáⁿ lín chheng-an chiaⁿ ê ín-chhoā lín

ê lāng kap cheng sèng-tô̄. Ū Í-tāi-lī ê lāng chheng-an lín.

²⁵Goān un-tián kap lín cheng lāng tī-teh. À-bēng.